



Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

I. Pactio a praedecessore facta successorem non ligat, nisi auctoritate summi pontificis fuerit confirmata. Illi etiam ecclesiae ab his decimae persoluendae, qui ab ea ecclesiastica percipiunt ...

urn:nbn:de:hbz:466:1-15588

C A P. X.

Idem episcopo Herefordensi & abbatii de Evesham.

Ad aures nostras , G. clero insinuante , peruenit , quod cum presbyter qui in ecclesia beatæ Mariæ ante portas Gloucestri , monachorum perpetuam vicariam obtinuerat , in fata concessisset , abbas & monachi ipsius loci diuino intuitu præscriptam vicariam ei concederunt . Cum autem per præfatum abbatem & capitulum ad eamdem vicariam G. dicecesano fuisset episcopo præsentatus , quidam I. de Constantiis nomine , institutionem eius quarundam literarum intuitu , continentium quod idem abbas ei ecclesiam quæ primo vacaret , concederat , impediuit : hinc est quod discretioni vestræ , &c. quatenus si præfatus L. a vobis super hoc requisitus , aliam causam rationabilem non pratenderit , nisi concessionem ecclesiæ quæ primo vacaret , pro eiusdem contradictione vel appellatione nullatenus dimittratis , quin auctoritate nostra dicecesano episcopo mandetis , vt ad præsentationem prædicti abbatis & monachorum , supradictum G. ad vicariam præscriptam recipiat , & ei curam animarum committat , sicut moris & iuris est , si aliud non est quod eius institutionem debeat impedire .

DE PACTIONIBVS SECVNDO. PARS
XLVIII.

C A P. I.

Alexander tertius VVigorniensi episcopo.

VENIENS ad apostolicæ sedis clementiam dilectus frater noster magister V. de Flameuill , sua nobis insinuatione monstrauit , quod cum monachi maioris monasterii terras in parochia beatæ Mariæ de Merton excolant , ab eadem ecclesia coloni eorum omnia ecclesiastica tam necessaria quam voluntaria susceperint sacramenta : & tandem eidem ecclesiæ suas & Canonibus sacris institutas decimas soluere contradicunt , sed de frugibus ei tertiam partem soluerunt , & duas sibi retinere præsumunt . De reliquis autem minutis decimis , vtpote nutrimentis animalium & fructibus hortorum , nil penitus præstare non eru-

Vuuu iij

bescunt : arbitrantur autem ad hoc sese tueri cuiusdam transactio[n]is pactione inter prefatos monachos & quemdam sacerdotem memorati V. praedecessorem ita factam, videlicet ut de duabus carrucatis terra, quas in dominio suo monachi tenent, tertiam dumtaxat decimarum partem frugum exoluere debeant, reliquas sibi retinendo. Quo fit, vt exinde occasionem sibi sumentes malignandi, prædia ex agricolarum defectu ad eos deuoluta, monachi in suum magis astute, quam prouide dominium conuentant: & quatuor vel forte plures carrucatas duabus aggregent, non aliter de illis decimis præstantes, quam de duabus præstissent, cum secundum tenoris compositionem integras de illis decimationes soluere tenerentur. Quapropter discretioni tuae, &c. quatenus cum exinde fueris requisitus, vtraque parte ante tuam præsentiam conuocata, rei veritatem diligenter inquiras, & nisi priuilegium clementia sedis apostolicæ sibi super hoc indultum coram te præfati palam produxerint, vel nisi transactio[n]em sibi scriptam, auctoritate apostolica confirmatam esse docuerint, cum alioqui inter personas potius quam inter ecclesiæ ita facta videatur, ne pacta inter alios facta, aliis obesse patiamur, omni dilatione & appellatione remota, prefatos monachos & eorum agricultores decimationes vniuersas, ex quibuslibet rebus prouenientes, ex integro absque omni diminutione supradictæ ecclesiæ beatæ Mariæ de Mertun, iugi præstatione singulis annis præstare, & etiam illorum quæ illicite detinuerunt, certam estimationem restituere, cum omni districcione compellas. Quod si discretioni tuae secundum ea quæ proponuntur tibi in iudicio, visum fuerit, prefatos monachos non nisi ad tertiam partis decimationum præstationem secundum iustitiam vrgere posse, tunc omnium eorum quæ Canones decimanda decreuerunt, appellatione remota, supradictos monachos tertiam partem ecclesiæ iam dictæ, apostolica auctoritate præstare decimas cogas.

Pacta inter
alios facta,
aliis non
obesse.

C A P. II. Item Gregorius uniuersis episcopis.

Scripta fraternitatis vestræ relegentes, agnouimus quod hi qui contra Hadrianum fratrem & coepiscopum N. aliquia dixerant, modo cum eodem episcopo in amicitiam